

REGLUGERÐ

um enduraðlögunarstyrk og ferðastyrk til umsækjanda um alþjóðlega vernd.

1. gr.

Þegar umsækjandi um alþjóðlega vernd hefur dregið umsókn sína til baka, hann fengið synjun um vernd og ákvörðun hefur verið tekin um aðstoð til sjálfviljugrar heimfarar í samstarfi við Útlendingastofnun, Alþjóðafólksflutningastofnunina (IOM) eða önnur sambærileg samtök er Útlendingastofnun heimilt að greiða honum ferðastyrk og/eða enduraðlögunarstyrk sem stuðla á að árangursríkri enduraðlögun einstaklingsins í heimaríki og styðja viðkomandi við að koma þar undir sig fótunum á nýjan leik.

Ferða- og/eða enduraðlögunarstyrkur greiðist í samræmi við eftirfarandi töflu.

Flokkur	Ríki	Ferðastyrkur, til greiðslu á Keflavíkurflugvelli	Enduraðlögunarstyrkur greiddur í heimaríki, allt að	Heildarupphæð á hvern einstakling, allt að
1.1 Fullorðinn	Afganistan Íran Írak Nígería Sómalía Palestína Pakistan	200 evrur	800 evrur	1.000 evrur
1.2 Barn	Afganistan Íran Írak Nígería Sómalía Palestína Pakistan	100 evrur	500 evrur	600 evrur
2.1 Fullorðinn	Alsír Egyptaland Kasakstan Marokkó	200 evrur	500 evrur	700 evrur
2.2 Barn	Alsír Egyptaland Kasakstan Marokkó	100 evrur	200 evrur	300 evrur
3 Fylgdarlaust barn	Ofangreind upprunaríki	200 evrur	800 evrur	1.000 evrur
4.1 Fullorðinn	Önnur ríki	200 evrur		200 evrur
4.2 Barn	Önnur ríki	100 evrur		100 evrur
4.3 Fylgdarlaust barn	Önnur ríki	200 evrur		200 evrur

Umsækjandi um alþjóðlega vernd getur óskað eftir ferða- og/eða enduraðlögunarstyrk samhliða því sem hann óskar eftir aðstoð við sjálfviljuga heimför. Beiðni um aðstoð við sjálfviljuga heimför og e.a. ferða- og/eða enduraðlögunarstyrk skal lögð fram innan þess frests sem umsækjanda hefur verið veittur til sjálfviljugrar heimfarar.

Útlendingastofnun hefur heimild til þess að greiða framangreinda styrki á meðan styrktarveitingin rúmast innan þeirra fjárheimilda sem stofnunin hefur. Þá á útlendingur eingöngu rétt á enduraðlögunarstyrk einu sinni.

Skilyrði fyrir greiðslu ferða- og/eða enduraðlögunarstyrks er að umsækjandi undirriti skuldaviðurkenningu hjá Útlendingastofnun þess efnis að hann samþykki að endurgreiða veittan styrk komi til þess að hann sæki síðar um dvalarleyfi hér á landi.

2. gr.

Reglugerð þessi, sem sett er samkvæmt heimild í 104. gr. laga um útlendinga nr. 80/2016, með síðari breytingum, öðlast þegar gildi.

Dómsmálaráðuneytinu, 16. október 2018.

Sigríður Á. Andersen.

Haukur Guðmundsson.

Fyrirvari

Reglugerðir eru birtar í B-deild Stjórnartíðinda skv. 3. gr. laga um Stjórnartíðindi og Lögbirtingablað, nr. 15/2005, sbr. reglugerð um útgáfu Stjórnartíðinda nr. 958/2005.

Sé misræmi milli þess texta sem birtist hér í safninu og þess sem birtur er í útgáfu B-deildar Stjórnartíðinda skal sá síðarnefndi ráða.